



10807

金華詩錄外集卷一

名宦一

齊

沈約

約字休文吳興武康人宋泰始中蔡興宗引為

安西記室叅軍入齊為太子家令累遷吏部郎

出為東陽太守明帝徵拜五岳尙書及梁武受

禪以佐命功除僕射歷尙書令侍中封建昌侯

加特進卒諡隱

詩品休文製五言最優詳其文體察其餘論固知其靈章鮑明遠也於時謝朓未過江淹才盡

范雲名級故微故約稱獨步咏謂收其精要允為中品之策故當詞密于范意淺于江 按金華于秦時置縣曰烏傷屬會稽吳始置郡曰東

名宦

金華詩錄外集

卷一

一

陽唐曰婺州隸江南道後晉曰武勝軍宋曰保寧軍皆置節度隸浙東道明初曰靈越後改金華山巒幽麗澗谷清甘本浙東名區來蒞茲土者往往多文儒碩彥如晉之范汪王濛袁宏殷仲文蔡興宗南齊之伏暉王志俱在休文前于金華未見有吟咏流傳故以休文為名宦之冠

遊金華山

杖策追夙心靈山協久要天倪臨紫闕地道通丹竅未

乘琴高鯉且縱嚴陵釣若蒙羽駕迎得奉金書召高馳

入閩闔方妬靈妃笑

登元暢樓

危峯帶北阜高頂出南岑中有陵風榭迴望川之陰岸

險每增減湍平互淺深水流本三派臺高乃四臨上有

離羣客客有慕歸心落暉映長浦煥景燭中海雲生嶺



乍黑日下溪半陰信美非吾土何事不抽簪

赤松澗

松子排煙去英靈渺難測惟有清澗流潺湲終不息神
丹在茲化雲輶于此陟願受金液方片言生羽翼渴就
華池飲饑向朝霞食何時當來還延佇青巖側

去東陽與吏民別

微薄叨今幸忝荷非昔期唐風豈異世欽明重在茲飾
駘去關輔分竹入河淇下車如昨日曳組忽彌期霜載
彫秋草風三動春旗無以招臥轍寧望復相思

霜載彫秋
草風三動

春旗言載見秋霜三度春風
也委書徵獻略俱作春山誤
名宦

金華詩錄外集

卷一

二

泛永康江

長枝萌紫葉清源泛綠苔山光浮水至春色犯寒來臨

眺信未矣望美睠悠哉寄言幽閨妾羅袖勿空裁

又有遊
甌山詩

見發書煉丹山詩
見郡志原集未有

八詠詩

登樓望秋月

望秋月秋月光如練照曜三爵臺徘徊九華殿九華珠
瑁梁華棖與碧瑤以茲雕麗色持照明月光凝華入黼
帳清輝懸洞房先過飛燕戶却映班姬牀桂宮裊裊落
桂枝蚤寒淒淒凝白露上林晚葉颯颯鳴雁門蚤鴻離

離度湛秀質兮似規委清光兮如素照愁軒之蓬鬢影
金階之輕步居人臨此笑以歌別客對之傷且慕經衰
圃映寒叢凝清夜帶秋風隨庭雪以皆素與池荷而共
紅臨玉墀之皎皎含霜霽之濛濛轡天衢而徙度轆長
漢而飛空隱崑崙而半出隔幃幌而纔通散朱庭之翼
翼入青瑣之玲瓏寒階悲寡鶴沙洲怨別鴻文姬泣胡
殿昭君思漢宮余亦何爲者淹畱此山東

會圃臨春風

臨春風春風起春樹遊絲暖如網落花紛似霧先汎天
淵池還過細柳枝蝶逢飛飄揚燕值羽差池揚桂旆動

名宦

金華詩錄外集

卷一

三

芝蓋開燕裾吹趙帶趙帶飛參差燕裾合且離回簪復
轉黛顧步惜容儀容儀已照灼春風復回薄氤氳桃李
花青跗含素萼旣爲風所開復爲風所落搖綠蒂抗紫
莖舞春雪雜流鶯曲房開兮金鋪響金鋪響兮妾思驚
梧臺未陰淇川始碧迎行雨於高唐送歸鴻於碣石經
洞房響紉素感幽閨思帷帟想芳園兮可以遊念蘭翹
兮漸堪摘拂明鏡之冬塵解羅衣之秋襞旣鏗鏘以動
珮又氤氳而流射始搖蕩以入闈終徘徊而緣隙鳴珠
簾於繡戶散芳塵於綺席是時悵思歸安能久行役佳
人不在茲春風誰爲惜

蝶逢燕值皆言風碑改飛羽作風雨謬趙帶飛參差碑作差池復出妾思驚碑作思妾驚句意不協

歲暮愍衰草

碑作秋至
愍衰草

愍衰草衰草無容色憔悴荒徑中寒夢不可識昔時兮
春日昔日兮春風銜花兮佩實垂綠兮散紅氛氳鴉鵲
右照曜望仙東送歸顧慕泣洪水嘉客淹畱懷上宮巖

阪兮海岸冰多兮霰積爛漫兮客

一作巖

根攢幽兮寓一作石隙

布繇密於寒臯吐纖疎於危石旣惆悵於君子倍傷心
於行役露縞枝於初旦霜紅天於始夕彫芳卉之九衢
隕靈茅之三春風急峭道難秋至客衣單旣傷簷下菊
復悲池上蘭飄落逐風盡方知歲蚤寒流螢暗明燭雁
聲斷纔續萎絕長信宮蕪穢丹墀曲霜奪莖上紫風銷

名宦

金華詩錄外集

卷一

四

葉中綠山變兮青薇水折兮黃葦秋鴻兮疎引寒鳥兮
聚飛徑荒寒草合桐長舊巖圍闕庭漸蕪沒霜露日沾
衣願逐晨征鳥薄暮共西歸

爛漫兮客恨客字正妙水折兮黃葦黃與青一例從原本正定

霜來悲落桐

碑作
寒來

悲落桐落桐早霜露燕至葉未抽鴻來枝已素本出龍
門山長枝仰刺天上峯百尺絕下趾萬尋懸幽根未盤
結孤株復危絕初不照光景終年負霜雪白顧無羽儀
不願生曲池芬芳本自乏華實無所施公子特畱盼王
孫少見知收取孤生楛徙置北堂垂宿莖抽晚榦新葉
生故枝故枝雖遼遠新葉頗離離春風一朝至榮華坐

如斯自惟良菲薄君恩徒照灼顧已非嘉樹空用憑阿
閣願作清廟琴爲君舞元鶴薜荔可爲裳文杏堪作梁
勿言草木賤徒照君末光末光不徒照爲君舍寧窳陽
柯淥水絃陰枝苦寒調厚德非所任敢不虛其心若逢
陽春至吐綠照清潯

幽根未盤結承上峯百尺絕下趾萬壽懸來故曰
孤株復危絕上下一氣碑改未作以殊覺味短

夕行聞夜鶴

聞夜鶴夜鶴叫南池對此孤月明臨風振羽儀伊吾人
之菲薄無賦命之天爵抱局促之短懷隨冬春而哀樂
愍海上之驚鳧傷雲間之離鶴離鶴昔未離迴發天北
垂忽遇疾風起暫下昆明池復畏冬冰合水宿非所宜

名宦

金華詩錄外集

卷一

五

欲棲不可住欲去飛已疲勢逐疾風舉求溫向衡楚復
值南飛鴻參差共成侶海上多雲霧蒼茫失州嶼自此
別故羣獨向瀟湘渚故羣不離散相依江海畔夜止羽
相切晝飛影相亂刷羽共浮沉湛澹汎清潯旣不經離
別安知慕侶心九冬負霜雪六翮飛不任且養凌雲翅
俛仰弄清音所望浮丘子旦夕來相尋

九冬負霜雪碑作無
霜雪其誤更不待辨

晨征聽曉鴻

聽曉鴻曉鴻度將旦跨弱水之微瀾發城山之遠岸怵
春歸之未幾傷此歲之云半出海漲之蒼茫入雲途之
瀾漫無東西之可辨孰遐邇之能算微昔見於洲渚赴

秋期於江漢集勁風於弱軀負重雪於輕翰寒溪可以
飲荒臯可以竄溪水徒自清微容豈足翫秋蓬飛兮未
極塞草寒兮無色吳山高兮高難度越水深兮深不可
測羨明月之馳光顧征禽之駛翼伊余馬之屢懷知吾
行之未息夜懸縣而難曉愁參差而盈臆望山川悉無
似唯星河猶可識孤雁夜南飛客淚夜沾衣春鴻旦暮
返客子方未歸歲去歡娛盡年來容貌衰攬衽形雖是
撫臆事多違青綈雖長復易解白雲誠遠詎難依

解珮去朝市

去朝市朝市晨歸暮辭北纓而南徂浮東川而西顧逢

名宦

金華詩錄外集

卷一

六

天地之降祥值日月之重光伊吾行之未已非余情之
信芳克待詔於金馬奉高宴於柏梁觀門獸於虎圈望
窈窕於披香遊西園兮登銅雀攀青璫兮眺重陽講金
華兮議宣室晝武帳兮夕文昌珮甘泉兮履五柞簪粉
栢兮黼承光託後車兮侍華幄遊渤海兮汎清漳天道
有盈缺寒暑遞炎涼一朝賣玉椀眷眷惜餘香曲池無
復處桂枝亦消亡清廟徒肅肅西陵久茫茫薄暮余多
幸嘉運重來昌忝稽郡之南尉典千里之光貴別北邙
於濁河戀橫橋於清渭望前軒之早桐對南階之初卉
唯余情之屢傷豈茲焉之能慰眷昔日兮懷哉歲將暮

兮歸去來

被褐守山東

守山東山東萬里鬱青蔥兩溪共一瀉水潔望如空岸
 側青莎被巖間丹桂叢上瞻既隱軫下盼亦溟濛遠林
 響咆哮近樹聒鳴蟲路出若溪右澗吐金華東萬仞倒
 危石百尺注懸深掣曳瀉流電奔飛似白虹洞井含清
 氣漏穴吐飛風玉竇膏滴瀝石乳室空籠峭崿塗彌險
 巖岨步纔通余捨平生之所愛歎暮年之此逢欲一去
 而不還恨邦衣之未褫揖林壑之清曠事氓俗之紛詭
 幸帝德之方升值天綱之未毀既除舊而就新故化行
 而俗徙播趙俗以南徂扇齊風而東靡乳雉方可馴災
 蝗庶能弭清心矯吏濁儉政救民侈秩滿撫白雲淹留
 事芝髓

梁

蕭子雲

子雲字景喬齊高帝孫豫章王疑子建武四年

封新浦縣侯梁天監初遷丹陽郡丞大通三年

復遷臨川內史還除散騎常侍歷國子祭酒出

為東陽太守侯景亂奔晉陵卒

梁簡文有和蕭東陽記
七里廟詩云登謂木石

名臣

金華詩錄外集

卷一

七

精斯乃山川守當時山間有一七里廟今未詳何地百濟有使人至建
鄴適子雲爲郡維舟將發使人于渚次候之望船三十許步拜且前遣
問之曰侍中尺牘之美流傳海外今所求
惟在名迹乃停船三日書三十紙與之

贈海法師遊甌山

真心好邱壑偏悅幽棲人忽聞甌山旅萬里自相親沈
寥晚霖霽重疊晴雲新秋至蟬鳴柳風高露起塵動余
憶山思惆悵惜荷巾

唐

戴叔倫

叔倫字幼公潤州金壇人貞元中及第以監察

御史裏行出令東陽歷撫州刺史容管經略使

名宦

金華詩錄外集

卷一

八

所至治行稱最

按唐人之仕發者見于唐人詩如李頎送東陽王太守韓翃送金華王明府又送齊明府起東陽包何發州雷別鄧使君馬戴送顧少府之永康許渾送段覺歸東陽兼寄寶使君皎然送李秀才赴盧發州招又如錢起贈張南史詩云紫泥何日到滄洲歎向東陽沈隱侯亦一發州使君也俱無詩可錄附著于此

蘇溪亭

蘇溪亭上草漫漫誰倚東風十二闌燕子不歸春又去

一汀晚雨杏花寒

永康龍山潭南流至下桐山曰蘇溪郡邑志皆作酥

蘭谿櫂歌

涼月如箴挂柳灣越中山色鏡中看蘭谿三月桃花雨

半夜鯉魚來上灘

陸長源去思頌序略云建中元祀五月壬辰詔以戴叔倫爲東陽令簡良吏也先是范冠椒擾邑人薦虞田爲

蒿萊人擠邱壑披榛無路轉徙不歸公臨之以簡率之以信緩其賦使其人舒平其役使其人勸由是田疇闢流亡歸農課勤桑柘茂隄塘修室有箱而知織境無

雲而有秋其若處沃恃豪間多盜藪貧弱困兼并安聚苦剝掠公董之以法察之
以情禁其奸使革其面摘其伏使洗其心由是豪強除盜賊并門訟止商旅通茂
草鞫于囹圄平施稱于闔閭而且輒處岸勤講學政平于上教行于下碑建于興
元二年宋淳化五年知縣事楊尹移置文廟右爲文以序之略云命詞于陸長源
假翰于李秋實洎唐李也兵革亂離兩播日鑠慮將湮沒由是磨
礱亦猶滯劍衝星遇雷生而望氣焦桐烈爨逢蔡氏以知音哉

于興宗

興宗山東人燕國公子志寧猶子寶歷二年令

東陽劉禹錫爲作涵碧亭詩序稱其以簡易爲

治當時益以循良稱也

按涵碧亭在東陽南今爲雙魚寺宋元
兩中縣令宋勛年卽舊址建堂曰清虛

涵碧亭

高低竹雜松積翠復畱風路劇陰溪裏寒生暑氣中

于築

涵碧亭既成慮不得聞于時繪圖寄劉夢得乞詩劉題云東陽本是佳山水何況
曾經沈隱侯化得邦人解吟咏如今縣令亦風流新開潭洞疑仙境遠寫丹青到

名宦

金華詩錄外集

卷一

九

雍州落在尋常畫師
手猶能二伏涼生秋

宋

王概

概字公操左蜀人熙寧三年以都官員外郎出

知東陽

王侯于崑山建水樂亭清河張昇爲之作記末有云苟復
以丹青求當世之賢于夢得者爲之詠歌則他日之名不

下涵碧其後果得
箴山二蘇公之詩

九日登峴山

昔日龍山有勝遊曾攜壺酒峴山頭歡逢又見黃花好
醉插都忘白髮羞戴令可嫌無惠愛陶公應笑未歸休
登高此地成狂賦才謝當年沈隱侯

虎峯寺

路出元安望虎峯，峯巒高處萬株松。山僧迎客輕如鹿，古木成槎怪似龍。飛灑濺衣寒有韻，斷雲生足暫無蹤。凌危更欲尋東白，東去濃嵐又數重。
虎峯卽東山晉孝子許孜傳云孜字季義一親沒建墓東山躬負土列植松柏且五六里時有鹿犯其松栽孜悲歎曰鹿不念我乎明日忽見鹿爲猛獸所殺置所犯松栽下孜悵惋不已猛獸卽于孜前自撲而死舊志鹿爲虎殺後人因名曰虎峯上有虎峯寺

關詠

詠于慶歷四年以員外郎知婺州軍事

題左溪齊雲閣

白雲來軒戶，清峯生澗壑。山僧不知春，巖花開自落。

名宦

金華詩錄外集

卷一

十

韋驥

驥以嘉祐八年任武義令

八素山

秦世隱君子，遯迹家雲泉。惟蘄德行粹，不使名氏傳。太素八先生，服履皆皎然。至今圖籍中，以素名其山。蕭然叢祠在，冷屋祇數間。鄉人殊不省，往往來祈年。余宦已盈歲，來謁慚遷延。企想風誼高，俯視輕人寰。商山猶愧此，誰與能比肩。作詩以頌美，非爲誇神仙。
山在武義縣東四十里秦末有八士

皆素冠從洛陽來隱于此山故名

樓鑰

鑰字大肪鄞人登第歷寶謨閣學上以忤韓侂

胄出知婺州侂胄誅復官仕至資政殿大學士

卒諡宣獻自號攻媿主人有攻媿集

攻媿有送從弟叔韶尉東陽詩

云此邑子舊遊歷歷數行店棠陰見郎君遺老喜窺窺則其家父子同仕婺州又按洪景盧遺于淳熙十一年守婺州唐人萬首絕句守婺時所輯也其兄邁以詞科中選不附秦檜乞外通判婺州修東陽志十卷藝之有志自此始錢塘周草窗曾令烏傷所著書曰志雅堂雜鈔癸辛雜志浩然齋視聽鈔絕妙好詞藝流供奉志贛州漁笛譜載金華雜志然不見郡志官師以上俱案有詩又按葉夢得紹聖四年進士自婺州教授名為編修今府學遺于關公詠拓于葉公夢得葉之集有百卷所傳僅建康集乃百之一也俱官建康時作婺州詩未見

小谿道中

簇簇蒼山隱夕暉途看野雁著行歸久之不動方知是

一搭碎雲寒不飛

名宦

金華詩錄外集

卷一

十一

後徘徊邨儘遡流鳳山寺下換輕舟舟人努力雙篙急

引得清溪逆岸流

攻媿子質夫遷居鳳山今後人猶守故地

陳孔碩

孔碩長樂人受學于朱子官婺州司戶參軍累

遷至尚書郎

古木寒塘軒

蒼虬天矯當晴几清鏡泚澄流暮山陳迹百年吾老矣

一時輸與野僧閒

戴逸卿

逸卿以淳祐九年任東陽尹

面香閣

邑事日填委汨汨勞其生攬衣登茲樓便覺神思清茂
林鬱松桂好山列檐楹景物自瀟灑有酒誰共傾故園

隔蒼嶺行當脫塵纓

絡與中縣合留觀德于邑西北
隔建閣前植叢桂故曰面香閣

元

趙孟頫

孟頫字子昂宋秦王德芳後五世祖秀王子偁

實生孝宗賜第湖州故孟頫為湖州人元侍御

史程鉅夫薦于朝官兵部郎中歷江浙等處儒

學提舉累遷翰林學士承旨乞歸至治初卒封

名宦

金華詩錄外集

卷一

七

魏國公諡文敏有松雪齋集

虞伯生嘗以詩請文敏有
山連閣道晨雷輦野散周

廬後屬寮之句文敏謂改山為天野為星則尤美伯生心服之故當
日稱虞楊趙范揭云元仁宗與侍臣論文學之士以文敏比唐李太白
宋蘇子瞻史稱其所作清遠奇逸讀之使人有飄飄出塵之想集
中有八詠樓詩云極目登臨未擬歸不知何時作也以曾官江浙等
處儒學提舉或行

部至此故入名宦

東陽八詠樓

山城秋色靜朝暉極目登臨未擬歸羽士曾聞遼鶴語

原注樓在寶發觀觀中
老道士能言諸父出處

征人又見塞鴻飛西流二水玻璃合南

去千峯紫翠圍如此江山良不惡休文何事不勝衣

吳宗

宗蘭谿州學正

和方先生重陽明日得花字

天涯離合意瞬目類空花
乍喜朋簪合寧辭坐席譁
歡娛憑綠醕欹側任烏紗
爲折殘枝菊畱連到日斜

見吳溪集

吳實

實蘭谿州學正改授西寧

和方先生重陽明日得歸字

淒涼懷舊雨寂寞對斜暉
及此良朋聚未應佳節違
徑荒秋欲老江濶雁初飛
正喜陪清宴匆匆莫賦歸

見吳溪集

徐鉉

鉉新城人天歷至順間蘭谿學正

名宦

金華詩錄外集

卷一

七

賞薔薇花

羣芳易消歇薔薇媚餘春
况當風雨後獨立誰與鄰
睽二三客歡賞及茲辰
後年我已歸看花待何人

杜秉彝

秉彝官浙東僉事行部至婺州題三詩于後堂

壁

暮春行部三首

稻畦麥隴間青黃桑柘如雲
伐遠揚昨夜使車行境上好
風吹雨滿江鄉雲護青山水
滿溪蒲帆畫舫汎漣漪楊林
雨過蘭臯潤

時有一雙白鷺飛

使君憂國願年豐萬里桑麻雨露中
簫鼓邨邨晴晝永
江花樓閣酒旗風

章瞻

瞻任蘭谿州倅

溪橋煙柳

仙家池館白雲鄉
杳隔前溪一水長
欲訪石溪迷入路
桃花岸盡是垂楊

金華詩錄外集卷一

金華詩錄外集

卷一

古

名宦

金華詩錄外集卷一

金華詩錄外集卷一

金華詩錄外集卷一

金華詩錄外集卷一

金華詩錄外集卷一

金華詩錄外集卷一

金華詩錄外集卷一

金華詩錄外集卷一

金華詩錄外集卷一

金華詩錄外集卷二

名宦一

明

姚文炤

文炤字在明莆田人嘉靖九年知金華府除弊起廢事無不舉湖州借折糧積百餘年躬請于巡按御史力爲辯復以奏最行送者填塞有十美政之謠徧傳郡邑

遊三洞

佳客憐茲會名山故有期明霞遙送酒絕壁坐題詩雲

名宦

金華詩錄外集

卷二

一

氣連三洞泉聲自四時僊源原有約辟穀更尋芝

陳京

京字世周懷安人嘉靖十四年由大理寺正出知金華府爲政持大體有勢家欲乞城中隙地毅然拒之公餘作書畫自遣間或飲酒賦詩徜徉山水間未幾灑然解綬去

登積道山

曉出城東門遙望松溪道有山奇且高亂石亦奔峭乘間試一登漸擬入雲昊肩輿屢廻環直上轉山坳衆山俯全低平疇綠浩浩圖畫忽天開紅塵杳難到古剎雕

未宏靜景自幽竅安能遂忘情終日此舒嘯

陳元珂

元珂字仲聲閩清人嘉靖十四年登進士第由
郎中出知金華府政尙嚴明重風教一時稱治
有雙山集

新構一笑亭于烏石山陰漫述

曾聞劉隨州英采特高妙解印無與言見山始一笑伊
余慙古人拂衣幸同調結屋傍山陰開軒面層嶠庭草
愜幽懷巖雲增遠眺况有同心人銜杯縱吟嘯翠篠逗
曉風薜蘿收夕照散地有餘歡閉門忘津要悠悠百年
身此意知誰肖

名宦

金華詩錄外集

卷二

二

講堂洞

結伴尋幽向赤城靈崑深處託高情松花入口憑風起
竹杖穿雲帶月行謝朓青山吟自適陶潛濁酒興偏清
此身已判從深隱懶緘書寄玉京

汪道昆

道昆字伯玉歙人嘉靖二十六年登進士第除
義烏令歷官兵部左侍郎官義烏年甫弱冠精
敏廉節斷決中古經義無所避就威惠並著以
詩名于時爲王世貞所推獎婺州詩人胡應麟

諸人交最契有太函集

明詩綜詩話王元美論詩有云文繁而法且有委善得其人曰李于

鱗簡而法且有致吾得其人曰汪伯玉又云歷下極深新安見裁是心折李汪靡有間矣竊怪其效放陶孫作詩文評苟有寸長必加品騰顧于鱗兩見而伯玉不及焉何與聞伯玉晚年林居乞詩文者填戶編號松牌以次給發享名之盛幾過于元美蓋元美所推獎二人于鱗道峻仕又不達伯玉道廣仕歷崇階人情望炎而趨不慮其相埒也

送張虞部調常州別駕還婺省親二首

謫去應吾道流言亦世情
聖朝仍得罪佐郡且藏名
落日梁溪權平蕪灑水城
秋風回首地淚滿逐臣纓
幸爾遭微譴移官傍故鄉
君恩深賈誼郡牧得王祥作
客才難盡寧親願不忘清時
多雨露之子慎風霜

贈吳少君

名宦

金華詩錄外集

卷一

三

心事羲皇上生涯草莽中
采真窮日力弔詭覓天工
瘦作軒轅鼎薌隨闔闔風
何年生羽翼來自赤松宮

舟中贈胡元瑞時從余過弇園

垂老惟應狎白鷗乘秋一問木
蘭舟西池王母畱方朔
南國佳人到莫愁絕代紅顏
江月墮當關紫氣海天浮
卽今緱嶺耽鸞鶴殊色還傾
十二樓

一代瑯琊兩使君爾從綠鬢抗青雲
延州舊擅東南美
夾谷新分左右軍大澤芙蓉迴爽氣
小山叢桂散清芬
明朝更合雙龍劍開匣蒼茫北斗文

汪司馬官烏傷日所作蓋寡今錄其與婺州詩人贈

答數章以志大略

劉慤

慤字唐巖江西人官浙江提刑按察副使嘉靖三十四年攝巡金華以倭警命吏于屬邑諸山

圖其阨塞築隘糾衆以守爲遏亂庇衆之舉蓋

有心于民事者也

劉公夾溪精橋隘記深謀遠計淳淳乎將去之日仁者愛民之心良吏經國之模可爲萬世法也

過永泰寺

入門蕭寺晚鐘鳴老衲焚香下榻迎問道萬山霜雪裏

使君驅馬爲誰行

夾溪道中

起拂朝霞渡翠巒行行夕靄忽沉山溪泉帶月塵隨馬

名宦

金華詩錄外集

卷二

四

人自馳驅水自閒

此二詩正觀察相度阨隘時所作也又有夾溪精橋隘記可以見當日營度之意其辭曰浙東之山自甌越括

蒼迤邐北走至永康東陽之間而其巒岫磅礴之勢益崇以峻東陽治東百里許日夾溪嶺蜿蜒與天台相紉錯故其巖岫益深遂而戢嶺水爲兩崖所束下注一溪悍怒狂激因滙爲渦凡十有八霍霖暴泛行者遽巡不幸心目震駭失力力不禁噴薄往往沉渦中爲鳥爲魚賴所飽人嘗議橋其間莫有任其役者嘉靖戊辰年巍山趙氏捐貲鳩匠百計圖之歷三載而功果竟揭厲不卽商旅如歸壑溺之患絕不聞矣乙卯冬余攝巡金華以倭奴比歲深入乃命知縣張萬備走屬邑諸山圖其阨塞議築隘糾衆以守既築永康馬鬣嶺則又躬詣夾溪求觀所謂夾溪橋者羣山劃然中斷兩崖相峙壁立其下卽所謂十八渦是已橋橫亘其間如緞絕纓真天險也于是築隘以扼路衝而又義勸趙模棚屋數楹當崖石之巔備賊隘障以居守者是時又議築白峯烏巖爲竹嶺等大小五處咸以次第獨白峯漫行難據會余有東甌之行不果越三禩戊午余歸京師追敘顛末及所爲舉役之意賅東陽之人俾後來者有所考夫金華負山爲郡其控引諸邑皆枕谿踞谷無城郭樓櫓之固可爲憑依舉臚所極峯巒幽阻林箐突深不逞之徒易以巢窟宣德正統之際礦徒一呼比邑轟然幾至不保此往事之明鑒也今四方未靖閭閻困踣郡當括蒼會稽之介山海之寇保其不恣睢于林阻叢箐間以肆其毒則夫相其形勝而爲之所使算有侵暴民得什伍相聯憑險爲拒以保其父母室廬之聚而不至糜爛于鋒鏑摧殘之下者此區區私憂過計之心也徒枉輿梁之具本以利涉今則資之以爲遏亂庇衆之圖善觀時變者寧不爲之重慨也夫

鄭準

準字正衡吳縣人進士隆慶三年來令東陽時
有倭警民喜習兵應募農田不治散歸往往爲
盜準至立保甲正副使相覺察所獲奸究即時
處分民賴以安

冲素祠歌

佳山水兮發之陬雲林窈窕泉石幽薜蘿翳翳桂枝樛
中有幽人特好修戴仁抱義醇儒流談空悟元物外遊
徵書到門不肯售荷衣蕙帶臥林邱同時臺省凡幾儔
平章樞密開國侯門前檠戟車前騶頌聲溢耳伊呂侔

名宦

金華詩錄外集

卷二

五

一朝變態煙雲迺昨日榮華今在否先生遺祠至今畱
茅茨載翦蘋藻羞遶垣高木烏啾啾祠門陰陰臨道周
道上輪蹄夜不收馳名騫利何時休請瞻遺象暫移游

林命

命字子順建安人嘉靖三十二年登進士第歷
官廣東按察使隆慶四年左遷金華府推官有

陽溪集

水壺洞

昔日仙人去不還洞中流水自潺湲一泓寒玉來天上
幾度浮花到世間陰雪晴吹三伏暑高雲涼入萬重山

清真自信冰心在何用金丹與駐顏

趙善政

善政字以德涇縣人進士萬歷元年任東陽令

趙侯令東陽嘗作十勸詩以勵俗民間傳誦又有觀趙氏鄉約云山靈
還有約更上最高峯觀盧氏鄉約云但令此心常此日斯民三代信如
何蓋諄諄于
風教者也

白石岡

不見赤松子空餘白石岡仰天一長嘯鸞鶴自翱翔

喻均

均字邦相新建人進士萬歷七年任蘭谿令遷

杭州同知

邦相與胡元瑞為文字交元瑞詩數云近日詞場自吳
楚嶺南外江右獨為彬蔚與余交最久者喻邦相胡孟

金華詩錄外集

卷一

六

名宦

破朱可天喻如浙江觀潮雁宕天台等作胡如天津望海匡廬彭蠡諸
篇宋如秦岱嵩高兩岳游稿皆高華雄邁與嘉隆相表裏在當日亦一
作手情不
得見大篇

碧霞宮

萬木蕭蕭一徑回訪君落日對銜杯幾年洞日生瑤草
十月山中放蚤梅夜靜焚香頻禮斗天清倚杖獨登臺
白雲不避風塵色乘興還能跨馬來

遊靈洞山房

侍臣清興託蓬蒿繞屋新栽萬樹桃泉石平分諸洞勝
亭臺遙對數峯高望鄉何處看明月遷客于時把濁醪
醉倚青山成獨笑賦成疑不讓觀濤

吳安國

安國字文仲長洲人進士萬歷五年登進士第
除真陽令調永康入爲刑部主事歷郎中出守

寧波遷本省副使有葆光軒藁今是堂集

劉元子云文仲

近體有大歷家法 明詩綜詩話文仲純叔之子南夫之孫詩是家學
其自序云今之爲詩者務一字之長矚片語之巧張爲吾黨後爲此道
較轍同列椅撫前人逞傲誕之風長浮華之習蕩閑檢而不顧寒率職
其若遺則詩之爲靈甚矣蓋嘉隆之間習氣如是稍有學識者知厭之

登靈巖同諸君飲洞中

危巒千仞白雲隈玉洞凌空積翠開怪石卻愁羊化去
野花誰遣鹿銜來題詩顧我憐芳草載酒勞君掃綠苔
儻使山靈容吏隱可令猿鶴莫相猜

名宦

金華詩錄外集

卷一

七

陳大烈

大烈瓊山人鄉舉萬歷十六年令武義

武義治西有曰三嶺

潭者上中下三潭爲龍所宅石壁鑄龍宮深處四大字歲旱祈禱輒
應宋紹興十八年夏不雨遣官禱于潭俄有物如練長七八尺許盤
旋久之忽水涌雲合雨沛如注歲藉有秋右宣教塗差通軍州呂
忱中撰有記萬歷十七年大旱陳侯步禱而雨爲之沛民頌其德

重陽後一日登誥山

呼友誥山頭傳杯對北嶺煙邨傍月明杓斗凌空耿雨
後暖回春霜前夜未冷江干散步歸細弄清波影

登北嶺用前韻

送酒白衣郎翩翩繞半嶺懷人鳥道紆倚檻天河耿雨
霽重林新宵淡滴露冷歸來興未闌獨對蟾光影

張國裳

國裳晉江人萬歷三十二年以鄉舉會武義禱

雨辭五章

天仁愛暑恆暘不舞商羊奈若何

田坼龜苗虺黃如茨如梁奈若何

雨有絲風吹颺滂滂湯湯奈若何

壺山禱潭龍翎隨車不將奈若何

平地三尺水農家三尺金願賜甘霖慰侯心速賜甘霖

慰萬心

此歲旱禱于壺山作也命兒童歌之亦曰兒童歌壺山在武義治西聲然為縣主山上有潭水其狀如壺故名土人占雨視此山雲起則雨立

沛山椒有亭張侯題柱云錦繡萬花谷乾坤一草亭

名宦

金華詩錄外集

卷二

八

袁世振

世振蘄州人進士萬歷三十四年官金華同知

集雙龍進舟水洞

幽室何年閉尋源此口通丹光雞啄臙華表鶴鳴空怪

石傳鐘鼓潛居別化工殮震吾未敢聊與一尊同

按方韶父謝卓

羽游記雙龍外洞之北如蟻墓頤者可用舟臥其中入內洞今沙漲水淺去石愈近不能舟至此悵然如蓬萊之隔弱水矣讀詩知當日尙可進舟

黃建中

建中直隸人進士萬歷三十五年任金華推官

雙龍洞酬馬別駕

財擬遊僊賦臨岐意忽然樽前雲出岫屐底水通泉入

谷瑤宮界登車塵路遷蓬萊終是客別駕謾須憐

錢孔心

孔心臨州人萬歷三十五年以鄉舉官東陽教

諭

遊三洞憇鹿田

探奇落日下西崦小歲元譚意未厭仙子丹畱白石嶺
才人書訪紫薇巖山邨穀雨新茶竈煙浦蘭陵舊酒帘
安得種芝驅鹿耨移尊且自趁明蟾

周延光

延光蘄水人進士萬歷三十八年來守金華以

名宦

金華詩錄外集

卷一

九

寬和爲理遷浙江提學副使

遊赤松山至三洞

靈嶽西分跨海峯平瞻佳氣鬱葱龍叱羊膾有千年石
扶屐還餘九節筇

一泐流水出雲中別有桃源隔世逢臥艇巧穿人境外
恍傳仙珮語冥濛

莊起元

起元字中孺武進人萬歷三十八年進士除浦

江令調蘭谿遷南戶部主事歷太僕少卿有漆

園卮言

登仙華山

仙華自昔號名山，乘暇攜朋始一攀。
曲徑紆回旋谷口，奇峯突兀插雲間。
蟬愈覺幽情遠，戀壑渾忘吏事殷。
果有紅顏生羽翰，請從卜築不知還。

張爾嘉

爾嘉字余峯，青浦人。進士。萬歷四十一年令東

陽

仁孝天植，獄多平反。飲水茹藥，培植深厚。見張國維祠田記。課士平糶，恤饑，盜始政如川。至泉涌，見塞門仁政記。

遊桃花源

輕輿平幘踏青行，兩兩三三竹馬迎。
一隊斜穿野橋去，

桃花源裏課春耕

名宦

金華詩錄外集

卷二

十

貢修齡

修齡字二山，江陰人。進士。萬歷四十八年令東

陽

杏花詞

謾道春風催杏花，五年曾傍此爲家。
花貌不如人貌瘦，人心猶是花心舊。
滿城同樹總芬芳，偏覺此株能獨秀。
幾度移尊觴，月下幾度徘徊立。
清晝婷婷嬈，嬈疑碧池邊。向人欲語真嬌妍，餘馨散入余懷袖。
醉夢猶疑香國眼，我愛崑山最奇絕。每到花時山更別，青鏡臺前紅玉面。
粧成掩映教人戀，若使他年得再觀。相看應勝初相見。

清明同陶廣文遊桃花塢

爛紅堆裏試春觴露冕行歌落日黃塢口水流如洞口
東陽花發似河陽不緣公暇攜詩客那得閒情逐勝場
莫便傳呼驚士女清明誰不愛簪楊

陶夷齡

夷齡字魯望會稽人文簡望齡弟萬歷四十四
年以鄉舉署東陽教諭歷河南司理有喃喃集

初至東陽聲望傾動一時學者從之甚衆稱石梁先生

偕李丹仲遊石洞

開石已成弄淙飛竟何時幽探昧所指徒侶亦參差昔

名宦

金華詩錄外集

卷二

士

賢此揮塵獨爲津梁疲至今有遺文壁繡波漣漪林深
生晝靜仰見藤蘿垂蔬菽有餘飽漱濯亦所宜看山畢
余負安問主人知臨風阻高躍迴策愧心期

龍栢吟

東家老翁年過百手把虬枝數疇昔紹興年間龍渡江
藝祖兒孫始通籍一枝橫出雙崑間葉葉銀潢湫涓滴
年深歲老風霜饕竅穴似有垂龍匿槎牙雙榦同根株
中夜拉羅分劈礪不知龍去栢化龍不知栢亡龍化栢
至今但見鱗皴皮時有煙絲曳風直我來聳觀憑短垣
聽翁言之徒嘆惜神物變化會有時詎如孤豚得牢柵

爲君解囚三沐薰彈指雲雷看拳擘

石梁先生題此詩竟自註云栢因短垣繚繞不盡見

其奇詩以告主人庶幾脫其桎梏云爾香砂見之曰我思古人實獲我心政謂此也因爲廣之以竟其意略云世間養馬誰支遁徒愛羽毛失神駿種樹不解師郭駝多方護惜違天和昨來拜謁祖廟前仰視翠栢俯几筵爲索陶公昔佳句悠然會心得深趣編語交兒須信賢千年神物若爲釜垣垣羈束今已矣撤去樊籠任自然錄此以存一則嘉話

阮元聲

元聲字無聲雲南馬龍人進士崇禎元年授金

華推官年甫踰冠任事六載清名遠播工詩愛

才諸賢入婺門無停轍詩文之交座客嘗滿才

名甚著以課最入爲吏部主事晉員外郎典陝

西試卒于使車金華人士聞之莫不流涕

阮公在任輯金

名宦

金華詩錄外集

卷二

三

華文徵金華詩粹二書以備一方文獻又刻劉孝標沈休文合集呂東萊大事記亦好古之士

署中對梅獨立有感

數樹含香拂幌清隨風一夜滿春城可憐開徧南枝後

不似霜前瘦影橫

溪上有感

溪外煙光隱翠微溪頭草色動輕霏春風春雨年年恨

何事休文減帶圍

楊德周

德周字齊莊鄞人以鄉舉官金華教諭遷知縣

徵獻略阮公文徵詩粹多出齊莊金華之書無不經其漁獵乃撮精華作金華雜志五卷其書類珍珠船鶴林玉露喜爲詩嘗刻所作于雜志

尋清風樓

為愛風光好樓臺何處尋翠微圍郡郭睥睨倚雲岑水
遠孤城迥天寒絕磴陰荒碑堪弔古苔蘚未全侵

吳載鰲

載鰲字大車晉江人天啓間進士崇禎六年授

金華推官斷事精以果臺使者倚之為重奉檄

東西行車無停轍也又深湛好書簿書手板間

往往雜以鉛槧課最入為戶部主事

姜給諫貽羊石一枚喜酬以詩三首

文饒平泉莊一石獨醒蚤何如初平羊眠雲嚙瑤草

名宦

金華詩錄外集

卷二

七

樸極生幽致叩之何泠泠臣心冰雪白石氣對舍青

別思臨江雨蕭蕭楚客情孤舟將石去不必問君平

發書

先生通籍逾十年敝車羸馬大布之衣寒暑不易與家人子日食脫粟二孟顏色
粹然如紅玉其去郡攜一篋一笥圖書數十卷獨身騎而行雨奚髻髻然裳不掩
脰吏民祖帳皆不應給諫貽
羊石一枚先生大喜答三詩

懷金華二賢詩

孝標實寓公駱丞乃起義俱秉千載尚秋霜揭貞幟隸

事既取憎草檄更誰媚山水含幽光水心盟傲吏

文雄今幾見感慨託名巖書未山靈發崖先鬼斧劖嵐

青朝莫陟煙紫暮空銜曾見絕交論寂寥無不堪

發書先
生詩本

之嗣宗元亮至其意得忠孝之性頓挫屈鬱素問使人興懷不能
自已韋孟以下不逮也 徵獻略公與阮公風雅相等而詩學過之

吳國琦

國琦字公良桐城人進士令蘭谿敏練有守其持已簡嚴雖爰書盈庭蕭然有獨往之意如在深山大澤間人不得而測也遷漳州推官其于

詩好言少陵嘗評簡杜集曰雪厓定本所著有

水香閣草

吳侯與章無逸吳賜如交嘗語無逸書曰僕于貴鄉惟一片澄江數峯黛色及足下與賜如二三兄弟為可戀耳讀此可想見胸襟 發書錄詩後摘句云倦夜醺銷後霜寒夢返時鐘火意何靜川原別已深邨孤鐘火夜水閣塞鳴天江氣潮初動詩情雨後孤棹偏後閣勞山欲學江空雲平不辨樹霜滿欲迷橋交重忽來往言微惜古今羣峯常磬寂孤櫂破江來皆清迥高素似其為人

蒼漪閣

高亭敞木末此意與秋生當戶一峯出雙江夾月明藤

名宦

金華詩錄外集

卷二

古

蘿封洞壑河漢接檐楹坐久絺衣薄懷人已二更

南郭有所遲

東峯連洞府兩水護孤城更有一山秀朝朝與送迎燒

青官渡亂沙靜野鷗行委曲郭南路遙懸驛吏情

澱江驛景循吏

閒情俱可想見

臘月三夜月

練文生歷歷臨鏡擬江斐邨樹忽孤出水禽相對飛非關添客况亦自助寒威何處懷人切開簾恰上衣

雪意

雪意驚高鳥風聲滿櫟林邨煙衝水渡孤磬隔峯沈琴

止燈初寂江寒夢不淡勞舟沙岸泊漁父暮相尋

雪厓好言杜其

五言到格處
恰似石水

劉振之

振之字而恕慈谿人崇禎八年以鄉舉署東陽
教諭嘗大書鄉約六條于堂每與諸生講解以
古道相期慷慨尚節義遷鄆陵令明季李自成
掠中州城破不屈死有尚文集

白雲洞

著屐相攜破積苔淒清爽氣撲衣來呼龍驅雨開晴巖
倩鶴分霞映石臺秋去欲邀紅友駐詩成頻放白雲催

名宦

金華詩錄外集

卷一

五

謾言此曲終天上已有青山入酒杯

絕命詞

鄂陵破李賊逼之降不屈索筆題云云遂閉
目不食賊怒褫衣冠凍雪中罵不絕口而死

放鶴鶴情超呼龍龍性在一朝還太虛游神天地外

熊人霖

人霖字伯甘進賢人兵部尚書明遇子世載清
德弱冠卽以能文章名天下崇禎十年登進士
第十一年令義烏下車卽奉築城檄民洵洵不
知所出人霖爲安定之策城成而民弗知役其
他因事利民隨時絕弊善政甚多人爲工部主

事

發書伯甘經學比元成東修比元方文章比平原父子繼踵稱國
華當時所讓已有操縵筆南練絲詒草地緯詩書詩韻孝經小學

頌諸書合義烏築城邑人相告室于野者慮加賦且彈室于城者慮析其廬壽河洶先生曰毋動乃爲七樓而垣其闕城成民弗知役于是有七門城記暨詩傑伍法行多烏築鳥散先生曰有變奈何乃立賦井法作金城講武兩營于是有兩營志簡賦程序邑士樸多閉戶咕嗶先生曰獨學而無交何以昌其志于是有學門記序錄課序胥史多弗恪先生必躬若輩毋得預于是有吏歲邑苦瘠又多氣决先生曰當教之教之自親遜始乃單騎循行中六誦繼以雅歌聞者動容易志于是有親民繹序邑道四通行者無得息先生曰是安亭于是有十二亭記暨詩秦漢來邑多賢有文者先生曰是皆文武之道忠孝之言也于是有賢丞祠坊暨集若序宗忠簡坊暨集若序華川徵重修邑志序先生之治愛書盈庭咄嗟散去見者以爲神然戴星視事夜分而息不敢買臥治名也于是有日麗星言諸草

勸農

元氣轉斗杓和風起龍角星言出東門川原紆歷落布穀鳴好音農人競春作汗邪稚苗青蟹螺舉趾錯高原茂來牟麥秋如可穫社鼓聲齠齠神明貺民樸天子鑒

名宦
金華詩錄外集 卷二 六

我成稼穡事有恪趣駕循四郊我馬轡沃若見三耦而下周爰用咨度童子每追隨或歌或以畧勸指青旌前勸農字孔爍

咨茹亭

溪樹山藤相與鮮行逢邨叟問秋田雨肥晚秫雙垂穗臘酒開春不要錢

清樾亭

一道溪流跨兩橋高樓甲觀隱遙遙行人坐著清陰裏又聽鶯聲送遠颺

姚孫棐

孫棐字戊生桐城人進士崇禎十五年令蘭谿

旋調東陽

郡志棐任歲餘遇寇亂起倉猝潛遁尋幸義士及鄉兵數千人復之餘黨復集有數十騎突至姚于城上手火

箭射其巨魁立斃賊眾潰散

月峽待月

兩峯夾出踞幽奇月峽何妨待月遲著意雲中淡見影

生明樹頂尙需時秋颺未敢吹重翳谷冷偏能透薄絳

洞口將燈瞻望久謫仙相問可無詩

原注縱水散入姚戊生時以被謗將去東陽題于講堂

金華詩錄外集卷二

名宦

金華詩錄外集

卷二

七

金華詩錄外集卷三

名宦

國朝

吳翀

翀字六翮華陰舉人康熙六年由襄陽同知遷

金華知府在任六載民戴其德以乞終養歸

大觀亭

一片歸山興長吟此對君芳華生綺席爽籟散虹文地
敞雙溪合天清列嶂分晚風吹玉篴西北有高雲

劉德新

名宦

金華詩錄外集

卷三

一

德新奉天人貢生康熙二十年任金華同知遷

吉安知府

登壺山

曳杖招林寺林深映日寒晴雲封曲徑宿雨洗層巒
僻邑川原古孤亭宇宙寬峯頭遙一望長嘯引仙鸞

范龍

龍宜興人順治十六年登進士第官部郎以事

謫東陽丞遷歷城令

由水路赴郡夜聞灘聲有作

欹側危灘永日憐千山寒瀉落潺湲似將峽雨江濤意

聽入溪橋野岸邊金鐵響傳秋夜樹琵琶聲急夕陽天
籟條風便扁舟度贏得前邨一醉眠

董肇勲

肇勲字幼待會稽人康熙初以貢生任東陽訓

導

幼待官東陽擬歷朝詩東陽之詩不盡泯沒者猶賴有此王鶴潭續之近人但知爲王書恐王亦不甘同于向郭之注莊也詩亦能

步武前詩

古意盎然

畫谿經羅昭諫故居

凌晨越廣陌散策南山陞峯巒五隱見邱壑遞參差畫
谿經其陽草木何離披似是武陵源一歌招隱辭古有
嘉遜客攬勝此棲遲義不受高爵清風爲世師我行眺
山川光景忽若遺流波抱白日萬里西南馳文采旣云
謝臺館徒荒基躊躇思往哲感歎從今茲

贈孝子趙翰卿

白華被幽薄朝色相新鮮粲粲當門子胡乃不恪虔吾
行至東陽祠宮肅豆邊高風仰斯許

原注斯敦許敦

遺蹟著曩編

孝盡非一轍潔已各無愆寥寥今世人趙子爾獨賢蚤

歲敦詩書性行罔弗全厥父患風痺十載竟沉綿扶持

及飲食宛轉牀簣前養隆敬匪薄力竭心益專明月照

空幃寒風悽斷絃豈不懷伉儷諄語防未然

原注趙子喪偶不娶

以

此一念誠上可格皇天嗟余失怙恃伶仃弱冠年甘旨

名宦

金華詩錄外集

卷三

二

既已缺風木亦已遷感子純孝理雪涕歸窮泉援筆作
此詩聊繼補亡篇

郭烈婦詩

有序

婦東陽潘氏女郭韜仲妻也韜仲病亟欲遣
婦不從強迫之乃縊而死

雙飛雲際雁並宿水中鳧是物皆有偶于人豈獨殊煒
矣彤管芳婉彼貧家姝淑質自天生容華朝日蕞十五
嫁良人守禮罔敢踰自言侍中櫛畢世保歡娛豈料風
波惡畏此多露濡良人嬰沉痾藥餌艱支吾死別能幾
時生離計未疎青春不可再切莫學羅敷婦聞長太息

名宦

金華詩錄外集

卷二

三

此事理所無再拜前致辭一女詎二夫君疾良當已電
勉思令圖無爲愛黃金中道恩情徂良人默不應流涕
霑衣裾堂上有姑嫜晨昏新婦須長跪謝姑嫜幸乞一
言徐覆水難重收枯根難再蘇去劍猶不樂去婦將何
如聞言姑色動中夜但長吁媒氏臨中堂喧聲雜坐隅
顧瞻桃李花辭訣在須臾吞聲不敢泣且復向中厨織
手奉良人盡此飯一盂食畢登高樓廻腸如轆轤解我
同心結棄我合歡襦生旣幸同衾死當同穴居嘗聞墮
樓人窈窕稱綠珠我今一尺組卑此千金軀寄言陌上

人無用空躊躇

紆曲而樸至有
漢人樂府筆意

南山行

南山崔巍高接天草木晴晝藏雲煙老翁採樵穉子負
四民安業垂千年寧知斧鑿一朝及俄覺陵谷多變遷
丹崖翠嶂總蕭瑟金銀夜氣何能然百夫畚插無朝暮
瑣屑往往陵陌阡質如鐵石色青黑金精溢目朝暎鮮
洗濯已畢就陶冶九轉百鍊逾丹鉛咸陽火光連三月
浪泊毒霧愁飛鳶殺人如麻爭袖手遺骸棄地誰相憐
桑柘盡萎禾稼死居民巷哭農撒佃愚公移山意未已
驅斥潛蛟歸重淵險如五丁開蜀道深如秦帝穿三泉
山腹空洞復何有橫撐巨木防覆顛抱甕既笑漢陰拙

名宦

金華詩錄外集

卷三

四

陶穴詎是幽風沿歲久法弛爭者衆一語不合奮老拳
官司得財不敢詰徒令性命鴻毛捐吁嗟乎此物既非
任土貢胡爲趨走如腥膻匹夫懷璧罪不赦倉猝亦或
操戈鋌惟昔有明之中葉括蒼鑛盜禍蔓延興師十萬
役數載前事不遠殷鑒傳願以此詩風有位急須禁遏
防未然各田汝田復汝業令汝飽食兼安眠時和歲豐
有至樂慎弗竄伏窟崖邊君不見天下有道器車出丹
甌銀甕輝山川

題胡公祠

有序

自吳寧至婺州百里見有挾旗鎗火器相屬

於途往赴胡公會者因思公名臣其奏免衢
婺二州身丁錢本爲桑梓造福豈肯身後受
此無名之享此皆山鬼竊據妄貪祭賽市井
小人不知理義固無足怪衣冠士夫亦復爲
之浸成巫風不可復禁昔西門豹投巫漳水
狄梁公毀吳楚淫祠八百餘區彼皆卓識遠
慮爲百姓除害真萬世所當法今聞永康方
巖諸處每歲迎會糜費金錢不下十餘萬其
患甚大有賢有司起嚴加防遏或申詳上司
力請禁革如近日潛菴湯公之毀上方淫祠

名宦

金華詩錄外集

卷三

五

書諸史冊足與三公竝垂不朽

桑田十畝力先疇報賽西成樂有秋本爲枌榆酬舊德
豈應風月任閒遊靈巫拊鼓交堂下倡女明粧艷陌頭
千古淫祠成薄俗梁公遺烈孰能儔

月

月出青天似美人半池澄碧影相親時縈芳樹爲衣帶
每倩行雲作舞塵山上蘼蕪愁晚照花間蛺蝶怨青春
憐余亦有還鄉夢相送清光畫水濱

乙亥初夏趙鹿友明府招集八詠樓

錄二首

白雲如練雨如絲正值南樓載酒時不用清歌畱客醉

啼鶯只在綠楊枝

曉鴻夜鶴去何依暮色空濛雨乍微猶是林文吟眺處

江山無恙我霜衣

景應熊

應熊字誠闇安邑人康熙十五年登進士第三

十一年令東陽年已七十餘不三年乞歸士民

皆追思之

董幼待奉和景誠菴自題生祠詩序云先生蒞東陽三載慈祥廉潔東人士既各為歌詩以紀其事矣于其將

歸復下地城西巧溪之上而建祠肖像為先生長者也方懷元道州之成歎然不敢自居賦詩六章以見意而屬余和之余因舉王荆公詩自喜田園安五柳但嫌尸視擾庚桑以似先生

自題生祠

錄一首

名宦

金華詩錄外集

卷三

六

拙宦忤時俗何當對巧溪

原注祠在巧溪上

浩然成獨往庶矣脫

羣迷愛豈稱冬日愁將病夏畦條山回首處凝睇兩悽

悽董和詩有云雉馴猶飲啄鳳舉已高空幾時重立雪此地每披雲皆佳又云玉樹連殘照天花散蚤看以祠東為姚合祠有額曰甘棠玉樹北即巧溪菴也更工

詠懷

政愧承公與幼公

原注晉令孫承公統唐令戴幼公叔倫

惟存誠恕保初終攀雷

喜見人情厚淹蹇淡知吾道窮出岫閒雲還大壑投林

倦鳥避良弓行滕結理無長物贏得江頭兩袖風

宦海沉淪自古言未聞義命可攀援羣矜快馬隨鞭影

獨作癡人記劒痕諸世原來無媚骨歸田尚自有衡門

蕭然三徑蓬蒿滿好把耰鋤教子孫

費家璵

家璵字望叔以鄉舉署東陽教諭遷金華教授

有賢聲

望叔從陸清獻遊學有本原在東陽刻孫石臺定志編更爲置祠田在金華刻宋儒五子文讀蓋有志于正學者也

下第南歸奉寄董澹齋同寅卽次送行原韻

漸與長安遠君門絕意攀鄉心隨驛路客夢繞雲山轂
轉垂楊裏帆平落照間故人應念我雙鬢欲成斑

高攀桂

攀桂字丹植錢塘人以鄉舉署東陽教諭卓異
遷桐城令

同友人遊水竹陂

名宦

金華詩錄外集

卷三

七

寺藏青嶂裏僧住白雲隈徑折泉逾沸巖幽花自開
萌茶生細雨新筍透輕雷此地堪怡悅何人數往來

沈藻

藻字琳峯華亭人進士康熙三十年令永康

戊寅新春雪鴻先生招遊壽山方巖值余有太

末之行不獲偕次韻代柬

吏治難乘暇尋幽足不前無絲眠醉石遙擬看飛泉夢
逐鳴騶往心隨顧兔懸閒雲度遠嶺相望亦悠然

和方巖韻

竹月明初地松雲覆古祠那知開士法偏喜寓公詩高

步神明接清吟草木知塵襟猶未洗來日願追隨

趙驪淵山驪亦同波精

驪淵字積生仁和人以鄉舉署東陽教諭

賦謝吳廷素廷發昆弟

世澤由來兩峴存東行詞客上龍門百年肝膽江湖共

雙壁文章海嶽尊劒外天風偏白雪鐙前夜雨正黃昏

相逢一藉芳蘭契心事憑將歲晚論

趙出陳侯龍驤之門數遊東陽及署教事不三月卒

劉世燠

世燠字叔子上蔡人進士官東陽令

決獄明免吏不能欺頗著聲績

夏日

金華詩錄外集

卷三

八

夏日北窗下獨懷高臥心穿簾飛日影當戶落檐陰苑

陰雲歸岫花幽鳥入林天風時一至不受鬱蒸侵

正月十三日登吳寧臺

步上高臺挹遠光凌空翠色繞東陽山名兩峴隨雲起

水畫一溪映日長隔歲人煙餘暖律蚤春梅雪各含芳

皇家雨露年年渥撫字殊慙百里郎

丁宏

宏字惇齋順天人

原籍山陰

官東陽丞

登巍山歸示同遊諸子

辜負山靈約炎蒸力不勝好攜吟屐返自愛酒杯仍禮

豈爲君設狂應獨我能明朝晨氣潤還上最高層

周尙中

尙中字減安吉水人康熙間以諸生拔萃歷任

建昌豐城司鐸移金華府經歷有德星堂詩鈔

按集載西江詩多後附德星堂偶鈔數帙乃和沈隱侯八詠詩依體次韻恐不足以見所長因錄擬樂府二章以見學古之槩

枯魚過河泣

枯魚過河泣往事休重述浩蕩北溟遊頓躓東隅失一
蹶不復起飲恨更何及胡不充刀七卻教啣殘炙眼底
魴與鱖篔簹還濺濺寄語慎團團善保泥沙窟

雀勞利歌

名宦

金華詩錄外集

卷三

九

啄粟啄粟雀勞利暗處離苙聲殷地

啄地啄地雀勞利架上蒼鷹方掣臂

門應瓚

應瓚字介菴滿洲正紅旗人以筆帖式令東陽

有魚夢堂集

八華山

講席今何在空山尙白雲徑荒飛榭葉石古長苔文道
有千年契心難一念分遺踪猶彷彿不必歎離羣

重陽前三日招王鶴潭李梧岡趙巖夫衙齋雅

集

開樽未至重陽日會客先懷登眺情秋菊自應供正則
白衣誰不重淵明幽居溪竹凌霜勁博古圖書向夜評
試看寒蟬飲清露高嘶流響徹山城

諸錦

錦字裏七秀水人康熙六十年登進士第選授
金華教授乾隆元年應薦試博學宏詞改翰林
院編修轉中允歸博學好古介然特立居鄉十
餘年卒沉酣典籍不問戶以外事依然一老書

生也有絳跼閣集

先生官金華八年士論翕然歸之至今猶有傳其遺著墨蹟以爲珍者讀集知在官

衡兩次產芝按論衡云土氣和故芝草生天台賦云五芝含秀而晨敷先生蘊大地之和敷文林之秀應有此也

名宦

金華詩錄外集 卷二

十

春日同潘朱羅三友游金華洞天宿山中方宅

卽和戴叟坤釜韻

山坦無屣屣跋羊防其巔邱平勢逶迤行蟻穴其偏累
塊共積蘇未可例名山辟之葦羶厨駐足無飛仙辟之
煖炎界坐甑忘壺天腐鼠虛俊味大椿殊小年愛山如
品酒清聖濁者賢探山如走馬順駛逆且適可步亦可
坐可策亦可篋當其得之心默喻無唯然仰觀明月照
俛視清流泉登頓遞上下汲井同綆懸面壁出裂罅方
丈高五千如堂復如防濼靚空縛禪一成與再成藉草
當鋪氊側身到天外放眼微塵捐谿淺渡可揭樂冬水

可煎更有一掬慳墓頤吐濺濺借汝口中出蓄洩何不
前傳聞于此中寶鼎神犀鑄想象有所憑難負絕壑船
鏤形豈鬼工天地人俱全碧桃石筍抽纓絡懸鐘聯傳
聲甕裕衍滴乳珠盤旋自非渡虎谿亦非躍龍淵胡然
併獅象一壺括山川得無遊客誇悔不火力然還疑富
陰姦造物巧鉤連吾儒有坦途孝弟務力田誰甘此寂
寞冒險舍細旃聊爲春山求擬結濟勝緣主人挈青絲
觴酌無後先轉瞬日在發援筆成一篇附詩續勝遊敢
曰垂不刊

金華雙龍內洞不得進讀前人遊記迷離情況如望海外三山合人神往今得先生此篇吾儒有坦途孝弟務力田誰甘此寂寥會

險舍細旃四語慾平躁釋

名宦

金華詩錄外集

卷三

十一

贈王端士

畫法南北宗妙者在神領當其心有會造絕無人境躋
攀秋毫顛筆墨皆土梗辟如照盆孩手指相互影喀然
坐忘身無處說動靜山水尤清妍分判辨修整秀氣回
盤紆浮嵐變俄頃中分樵人徑上絕鳥道嶺溪窮雲間
起紙盡勢益騁我雖不能畫默喻心耿耿風流王晉卿
未晤已淡省南宮稱絕藝父子各異秉人亡琴未亡來
者更苦穎展畫贈君詩聊爲藝苑警

原注端士金華學生本其父進士世學

十月潘生顯

招遊至道山

一名

覆金卽憇其弟宅

城市緬靈踪茲遊欣願必蚤歷得吾儕休沐逢旅室相

逢一笑樂邨宿轉可卽老松風冷然窗隙透澹日肩昇
柅山麓腰腳輕柳栗拾級六百五折行三十七平臺到
上方磚礎何礧密地幽不可唾佛古真如律撫茲結構
牢喟彼風雨櫛當年赤脚僧締造謝安伏豈惟神所欽
長聞虎不啞逍遙周四覽黃白丹砂漆烏柏楓樹林點
綴看一一萬瓦如魚鱗遠堦如卓筆雖非跨蓬萊亦覺
遠蟻蝨首路已日中錐刀競得失

羅生

宋華

吳生

上朋

導游鹿田田皆以石勝成

三十韻

重嶺腰環環心動豈趨蹶楓楸杉樟檮木杪行且歇山

名宦

金華詩錄外集

卷三

士

徑坳兮北石路凹而凸步狹時予于鼻竅互子乎揖難
竝驅狼顧藉負走歷巖風滿頸脰坐定猶扞扞殘雪汁
未融白鹽撒林樾茆屋兩三家山灰代耕垡鹿田平挺
挺奇者在山骨披荆榛蒙茸剔秀皺鬱屈園林堆散漫
小大間卓越有受雷有广有青碧有黓有不穴不毛有
戴土戴髮有安若覆杆有欹若跪脆有夷若棋枰有割
若門闕有碎若星隕有凝若果核有旆旆若廡有吼吼
若橛有若躡躡有若載獫猷有駢頭若筍有决起若
鶻罇有若蠡屯陷有若狐搯有爲馬馱鞍有爲象玉笏
樂徹畱篋簾刑措倒戚戎蹲踞將軍虎寢訛仙人羯拾

袖未遑拜抱璞豈憐剛甲乙久雲煙原注見白樂天太湖石記渾沌成儻

忽招提無復存宿草埋碑碣山靈閱世界改服幾韓厥

東指玉女墓雙樹產突兀定有洗頭盆雨夜聽汨汨扶

我九節杖一掬瑤臺月靈臺山由福福頑硬貌石之奇肖形象物如見批巖趨滄池追隄排碣其間曠曠晴曠隱隱鬱鬱

之狀恍惚目接

通濟橋重新用東坡惠州新橋詩韻呈郡守馬

公金華王令

長橋勢屹屹貫若川飲霓灑水蜿蜒來跨此凌雙谿架
屋翼以闌俛視浮梁低如行大厦中忘此南北隄來往
負販夫爭道無挨擠朝日注其東夕陽射其西去城不

名宦

金華詩錄外集 卷三

一里游客勤登躋儻焉糾其廬若崩角跑蹶釀金開施
者握算籌會稽荒陂眠犢子寒水漂鳧鷖念無百金儲
一笑翻空梯所喜官曹清民不歌井泥黠綴邨落戲插
花出深閩涉川得幘幘踊躍壺漿攜懸知曉行人茆店

聽啼雞雖有暴漲來不用鎮石屏我坐筆力孱久無吹

火藜焉得萬丈芒燭龍掃然臍按黃文獻通濟橋記云發瀕溪為

大距城一里所比舟為浮橋以達往來霖霖益短弱弗支舟數敗散水湍悍不容篙職或有急而冒險以進多致覆溺西峯及菴禪師憫人之病謀伐石作橋禪師名德之重輸財薦貨狎至宣慰使合判賜金吾公為移閩閩徵善工而授役焉度地于浮橋西若干步積積沙以定其基布橫木以實其底壘石于淵者十有三旁為兩隄中為十一頓凡頓之形西正方東則小階而刻其上以殺水怒起大德四年秋九月訖十年春三月兩隄十一頓皆集未及架不為梁而禪師示寂杭遊民沈甲斲髮為頭陀走京師給權貴人言及菴弟子願假外護以單橋事南還取財奪木衆共患之長吏亦弗堪也乃發其奸聞于上正其罪遂罷橋局而毀石頓

石堅緻不易動僅什其伍而止延祐元年冬十二月也禪師法子雪牛芻公嘗以橋不可廢訴于官元統二年部使者徐公謂橋以利民不宜因人而廢入參議中書省事白于執政符下友雲龍公主西峯法席首罄衣孟以倡興作乃市大木募良匠以至正二年夏四月凡事于是諸頓悉完頓之高去水四十有一尺貫以木梁被以石發高出頓上又八尺而橋成修七百八十八尺廣若干尺覆以屋如其修廣楹間五十爲殿三爲亭二殿以妥大士泗州僧伽元天上帝之神亭以寘四天王因浮橋舊名榜曰通濟此橋初興之原委也其後隨時修葺亦因其成使之不廢而已志不載黃記讀此詩念其利涉之功而前人徇興艱難如此不可不知爲節其大略于此

王子學圃產芝二本呈郡伯馬公作

婺州之學有嘉樹雙芝煜煜生元圃一爲白玉一青雲
實自秋中肇端午騷人從古愛三秀磊磊石間行探取
攜來入座有輝光傳去流風生妙語我來記自歲作噩
牆倒門欹無適主兔葵燕麥蕩春風狗尾羊躑滋夜雨
吏人知我憐草木門生曲意尋翹楚苦竹頗瘦須扶持

名宦

金華詩錄外集

卷二

古

天桃雖俗還娟嫵黃梅淡宕稱幽人綠萼清標如靚女
琅玕修纖曼天際栢實團圞拔麝廡桐實生桐桂生桂
此邦共慶茅連茹兩芝不植亦無根亦非寄生非窠數
奚翅齋房冠衆芳欲陳清廟同璋璠當爲忠孝吐菁英
地出醴泉應配汝

集中又五古一首題云產芝一本比前累而更大詩曰何更出雲芝駢生若層梯赤色如丹砂玉色無點泥

栢松歌

有引

在武義縣雙巖大慈寺前中空四蔭數百年

物也

凡木大抵堅多心樛樛栲漆供材料硬楠杞梓楓豫章
其材克實登廊廟他如柞械雖不材亦惟瑟彼爲民燎

樸遯朱儒本無用，斲爲居楔殊蓬藿。胡然老樹獨離奇，霜皮黛色竊幽眺。高山圍削如負墻，谿風穿過聞清嘯。空明不受修蛇蟠，熠燿或來螢火照。一枝一榦一樞杓，似曰似枿似窾竅。虛心直上不蒙籠，與物無私窺道要。虬龍吟響晚鐘撞，威鳳雛褫山鬼噉。有力爭思致劇驂，神物未宥隨洩溺。適時桃李競，翩反百媚由渠供。好笑榮枯雨露定，無偏會有羣仙來衆頌。

學舍古梅一株冠絕婺州，余官八年心賞而未

有詩也。頃以內召行有日矣，臨別用東坡

惠州松風亭下韻記之。

名宦

金華詩錄外集

卷三

五

八年冷暑真山邨，此花耿耿縈心魂。籃舁草屨恣來往，誰是余美期黃昏。杏花娥媚易狼藉，綺李高蹈終邱園。緋桃綽約海棠艷，破冷未宥先春溫。龍鸞屈曲繞荆棘，窮髮晦昧還朝瞰。翠禽有意報芳信，綠苔解事鋪蓬門。藐姑神人不世出，心賞至處忘語言。清風難酬白玉價，黃金且配玻瓈尊。

原注園中枇杷一株對植樹極高大結實黃金纍纍足以匹敵

智者寺

蕭梁畱古寺，智者遂爲名。一水金魚活，雙蕉鐵榦成。臥獅苔繡澀，高鳥樹嚶鳴。更覺芙蓉好，沙門引領行。

夜分雨宿邨寺爲楊師訓蒙所意歡如也湯溪

胡子然炬來訪則余臥矣蚤發青陽鄭宅陳
章二生冒雨來請而鄭生偕胡又蚤迓余于
寺不值至是會于章氏感數君之雅誼作詩

二首

昏暮欲投入處宿得逢野寺亦忻然殷勤讓榻邨夫子
風雨頽垣古竺乾有客隔溪懸火至衝泥著屐扣宵眠
曉辭桑下肩輿去如沐青巒又眼前

坐中誰是曾子巖樊上每思孟彥深退谷杯湖吾與爾
春風沂水古猶今閉門投轄醉不醉由豫盍簪尋復尋
手種亭前梅栢竹異時看取各森森

名宦

金華詩錄外集

卷三

去

雙巖

雙巖左右互嵌空佛廡因依寂歷中快意不妨風雨會
懸厓疑與地天通原注山半欲雨仍霽及曠而下茆茨竹木層層闔石澗溝
厓瀉瀉同更向下方看古栝蒼皮蛻骨透玲瓏

白望峯下野梅一株

先生五載金華住兩見梅花澗底開慚愧孤芳莫相賞

瀑泉終日聞如雷

原注癸丑甲寅余兩過此

學署敬一亭前花木

金縷衣裁翦刻工流蘇火齊玉瓏璵橫披錦繡凌空谷

雅愛嘉名照殿紅

麗春

偏強盤拏作折枝
點苔綴石益參差
風清月白昏黃後
如對絲綸閣下時

紫薇

趙元祚

元祚字永錫雲南人康熙朝以五經舉于鄉五
上春官不第需次授金華令移成安有我軒集

按集有兩別金華紳士文云七載濫竿難言鼓瑟四方課稼愧未栽花
幸遇紳矜不鄙迂拙而告之以過遂使令尹愈頌冰淵而弗墜厥聲又
有都門寄金華紳士書云濫竿七載絕無苞苴請託之私解組一朝惟
有道誼文章之雅遂使琴清澗水官豪惟書因而鶴穩錢潮行舟帶月
讀此則我齋之
宦蹟可觀矣

題仙洞

到來塵俗已全捐
靈窟何年造化穿
羊本無形憑石叱

名宦

金華詩錄外集

卷三

七

龍因露角被雲纏
千秋綠樹常流水
萬古青山不老天
洞裏有人呼未出
清閒半刻卽神仙

同夏正菴遊芙蓉菴

夜來涼雨洗青山
好問秋郊路幾灣
柏樹邨墟隨隱約
槿花籬落正爛斑
乍看聳拔孤峯秀
漸入清幽半日閒
偶爾攜尊過蘭若
芙蓉相對照酡顏

七寶寺尋梅

滇南花事最珍奇
綠萼硃砂雪裏齊
今日尋梅花未見
故園惆悵隔天涯

勸農懋方佑文書齋

曲曲邨莊竹逕斜芙蓉山下有人家圍庭翠黛迴環徧
幾樹松濤百種花

袁學謨

學謨字梅谷彭澤人雍正二年登進士第五年
令石樓調汾陽以卓異遷處州司馬署金華府

事有居易堂集

周長發居易堂集序云石樓晉屏邑歲比不登通課至四萬先生下車憫之盡出歷年養廉

代輸舊賦民獲喘息以次勸農課士繕城掩骼除穢籍凡諸善政悉載集中如是者七年調汾陽又巖邑也俗多險健先生鉏強執法一時豪猾爲之斂跡如是者二年治石樓稱慈母治汾陽稱神君若不相侔皆本經術以出之而治登于古旣而授處州司馬申教立法兼治石樓治汾陽者曲爲調劑及署四明發州兩郡象所

在薰其德而嚮其化幾幾兩漢循吏之風矣

舟行蘭谿

名宦

金華詩錄外集

卷二

六

片帆高挂過春山芳草嘉蔬綠滿灣民瘼難忘終夜夢
輿情未洽寸心關蠹魚不食琴書潤風雨時調雞犬閒

惟愛投懷江上月長留清白照人間

金華郡守近時有玉沙楊公志道蒞事十載不名一

錢兢兢于造士與教新呂成公之祠擴充麗正書院之膏火士民相接如家人勸勉惟恐不至卒于任眾戴其德曠金置產卽于呂成公祠建閣設主春秋祭祀至今與諸生言及之猶懷思不忘也性好書公餘手抄尚書日誦一通曰心法治法成在于此瀏覽諸史以不得見舊唐書爲憾至武林購得之喜甚連日夜閱之不倦于詩最愛少陵評點至三四通惜一時不能得其集讀之行淡中載名流見賞之佳句如賞月之雨餘秋有色月淨露無聲月夜山行之夜靜溪流壯山高月影懸遊泰山之峭壁雲腰出懸泉石丁鳴秋夜之雁鳴兒憶弟風嘯雨瀟秋除夕之始知鼎鼐終朝設不及承歡救水時皆清質有味附誌于此

戴文鐙

文鐙字經農歸安人乾隆九年順天鄉舉第二

十八年任東陽教諭二十一年登進士第除禮

部主事遷員外郎卒

先生在東陽孜孜以學問文章與諸生相勗勉未嘗一言及阿堵物也官京邸

以清節自持卒後宦橐蕭然盧杞亭秀才云見先生手點漢書字畫疑訛細注字秀未嘗塗抹其虛心每如此

飲金氏園桃花下同盧生

未竟

徐生 時泉 作

春空雲黯花悵悵欲雨不雨啼春禽夢向花源迷一曲
白酒初熟愁孤斟幽齋剝啄來二子殷勤招我窺園林
天桃輕紅低亞水落花片片儵魚深花光水光相激蕩
迷濛香霧迴輕陰空梁乍經乳燕宿嫩蕊亦受黃蜂侵
浮萍開處露山影西甌一角峯嶽崑看山臨水花更好
有酒况復開塵襟而我憔悴居江濔年年花草傷春心
平時愛花不忍折于今短髮還羞簪爲我酌酒爲君舞

名宦

金華詩錄外集

卷二

九

風前蕩漾愁難任且莫擁鼻動越吟人生失意寄杯酒
春風有約還重尋

秋郊偶成

水文曲水酌芳尊記得南朝故相園可識錢唐湖上否

野棠花落鳳凰原

原注訪喬文惠公故居曲水遺賢可識也

峴嶺東西青峭環佳名錯認故鄉山相看畢竟儂家好

柔艸輕搖碧浪間

原注余鄉亦有峴山下即碧浪湖

李德舉

德舉字上卿冀州武邑人以舉人令東陽崇尙

風教于邑之先進往蹟每多題詠以勵士俗云

許白雲祠

金華四先生淵源出同籍東陽有白雲至今有舊宅名
山城西南八華畱講席雅韻餘煙林清風在泉石亭臺
想棲遲筆墨見踪跡俎豆在一鄉雙峴近咫尺我幸守
此土以時躬奠釋道貌何儼然瞻拜如親炙誰爲後來
者典型念夙昔

王太僕祠

王太僕鉄爲常熟令
遇流寇以身殉官

在昔李蘄州褒崇正節侯又見王常熟表忠加太僕烈
烈轟轟相後先俎豆光榮年復年吳寧太常忠愍公時
代雖隔風規同三公英魄當共語清夜月明欣吾侶

名宦

金華詩錄外集

卷三

三

雙溪櫂歌

輕于蘆葉小于鳥一櫂隨流浪拍江春色移將何處去

梅椿纔過又桃椿

原注溪船
名蘆鳥

曲岸風來卷綠蒲往來短絳共招呼船輕莫載柴和米
近日珠蘭價倍殊

秋水東連五百灘

原注李太白詩聞說
金華路東連五百灘

漁翁拍手坐團團水中

鱗鱖俱堪數只用魚梁不用竿

一聲短篷起沙鷗岸插青帘見酒樓彷彿江城飛白雪

梅花門外繫扁舟

何子祥

子祥字象宣平和人進士官浦江令寬仁有惠政加意教化振興書院以造就多士至今民間

謳思之也

浦陽書院八景詩白石山房十一景詩頗有寄意不落習徑誦之覺古韻冷洽也惜不見他作爲擇其尤者錄之

浦陽書院八景詩

錄四首

四山多白雲隨風到層閣飄飄巾帶間披對逞遐矚星

斗若可捫雷雨或交觸人文倬天章雅詩廢棧樸

層閣披雲

夜雨灑桐階更聞人語靜修廊隔東西點滴若相應寒

酸撥書燈清音間僧磬巡檐苦吟人耽此閒中聽

長廊聽雨

於論傳鼓鐘宮牆瞻富美偉哉聲遠樓位置良有以古

韻發鯨音中流汎瑤水餘響入太空縹緲看雲起

水榭鐘聲

名宦

金華詩錄外集

卷二

三

方池架石梁月影每先到金波與玉輪兩兩弄清照步

屐攜短筇流覽起長嘯願言揮素琴對景寫幽抱

石橋嘯月

白石山房十二景詩

錄六首

高崖卓天半雲氣積瀾漫扶桑上曉日雲散光流丹憑

軒寄遙矚洞覺胸襟寬萬象自有真難許坐井觀

丹崖摩日

飛泉落山巔一氣無斷續但看挂似虹莫辨清如玉遙

知坡坳側激灑開晴旭選勝及春風童冠欣來浴

玉潔垂虹

喬木鬱扶疎濃陰蓋精舍我來坐北窗賞祈及休暇鶯

聲一何老春序忽已謝弗徒箋蟲魚沾沾事銷夏

夏木鳴鶯

不見雲起時但見雲歸晚還山以有心委蛇亦繾綣余

本山人偶出豈忘返愧少潤物姿展布何能遠晚潤歸雲

斷碣傳何年苔痕繡古篆古人不可見踪跡半幽顯于

秋一片石誰知亦不免何以岐陽鼓跟肘亦可辨篆碣霜言

上有秋月皎下有寒潭澄潭心浸明月炯炯光燦水昭

然揭萬象俯仰舉可憑相對已忘言欲辨吾何能澄月潭心

婺州文獻之邦鴻文偉烈較前轍後官斯土者往往

以景仰之心懷振興之意承乏以來瀏覽志乘慈惠

之師循良之吏間代有之今讀名宦詩詠風土寫性

情寄興在吟歎之餘命意在語言之表勤政愛民之

思一一可想見也願與闔屬交相勉焉

名宦

金華詩錄外集 卷二

三

乾隆癸巳十有一月金華府知府黃彬識

按泊宅編載徐壽亭全夫疎俊不事事少登科終武義主簿嘗為婺州清澗寺
醉中走筆題寺壁曰驚雷殷殷南山曲一夜山前春雨足美人睡起怯餘寒衣
褪香消紅減玉朝雲霧霧弄晴態野柳狂風無管束東風也自足春晴吹破兩
溪煙水綠詩亦有風致檢得之前卷已上板因記于此又湘潭陳公樹著官兩
浙海防兵備副使奉檄來金華散賑作詩云浙東旱無狀東陽更慘酷來在春
爛死秋禾無粒穀時過補種難田父荷鋤哭蕨根及土粉搜索窮山谷不食常
苦飢食多鄰鬼錄余奉大府命單車刺心目請粟宜避嫌寧為利鈍感所幸既
得請轉輸若鷺盡死者長已矣生者賴以活儻猶食未徧不辭馮婦數字字非
側雖奉檄來與宦金華者有間而
仁人之言不可沒也附錄卷末

